

- 1) Ликвидност - 10.000 КМ
- 2) Инвестиције - 15.000 КМ
- 3) Краткорочни кредит - 25.000 КМ

Укупно: 50.000 КМ што је максималан износ кредита за обртника "ХУ" док износ за поједине кредите у комбинацији не прелази 25.000 КМ за обртника "ХУ".

5. ПРОЦЕДУРА ИЗДАВАЊА ГАРАНЦИЈЕ

Субјекат мале привреде - обрти и остале самосталне привредне дјелатности, подноси захтјев за одобравање кредита комерцијалној банци.

Поред Захтјева за одобравање кредита, клијент је дужан доставити документацију коју од њега тражи комерцијална банка у циљу утврђивања кредитне способности.

По одобравању кредитног захтјева од стране комерцијалне банке, иста шаље одлуку о кредиту према Развојној Банци Федерације БиХ која проводи поступак издавања гаранција Фонда. Право на гаранцију не постоји, већ Развојна банка о сваком захтјеву доноси појединачну одлуку након провјере испуњавања услова прописаних Уредбом о начину финансирања и управљања Гаранцијским Фондом и кредитно-гарантним програмима.

Гаранција Фонда се издаје за кредите уговорене у КМ.

У случају да је Банка одобрила кредит са валутном клаузулом у некој страниој валути, гаранција Фонда се може издати само за кредите уз валутну клаузулу за ЕУР, а максимална гаранција по једном кредитном захтјеву је 300.000 КМ. Укупан износ гарантованих обавеза Фонда према једном кориснику или групи повезаних лица не може бити већи од 500.000 КМ.

У складу са одредбама члана 19. Уредбе о начину финансирања и управљања Гаранцијским фондом ("Службене новине Федерације БиХ", број 44/20), на гаранције Фонда издате у периоду не дужем од 12 мјесеци од дана проглашења престанка несреће узроковане пандемијом Covid-19, провизија за издавање гаранције и премија ризика неће се плаћати, а каматну стопу одређује комерцијална банка у складу са својом кредитном политиком.

Укупан износ издатих гаранција по овом Програму не може прелазити износ од 50 милиона конвертибилних марака и могу се издавати најкасније до 31.05.2021. године.

6. МЈЕРЕЊЕ УЧИНАКА КРЕДИТНО ГАРАНТНОГ ПРОГРАМА

Развојна банка ће у сарадњи са комерцијалним банкама, на кварталној основи, у року од 60 дана по истеку квартала извјештавати Федерално министарство развоја, подузетништва и обрта о броју запримљених захтјева од стране обрта и осталих самосталних привредних дјелатности, броју и износу одобрених кредитних захтјева од стране комерцијалних банака, броју и вриједности издатих гаранција од стране Развојне банке ФБиХ и структури кредита у релативном и апсолутном износу одобрених за ликвидност, обртна средства и инвестиције по овом кредитно гарантном програму.

Федерално министарство развоја, подузетништва и обрта ће у сарадњи са надлежним институцијама додатно прикупити податке о броју очуваних радних мјеста, броју нових радних мјеста и повећању економских активности корисника кредита.

Федерално министарство развоја подузетништва и обрта ће на основу наведених података на годишњем нивоу извјештавати Владу Федерације БиХ о учинцима кредитно гарантног програма.

7. НАДЗОР

Комерцијална банка је дужна пратити намјенско кориштење кредита и РБ ФБиХ доставити Изјаву да су средства кредита намјенски искориштена, у складу са одредбама уговора о кредиту и условима кредитно-гарантног програма из којег је кредит одобрен.

Ако су средства кредита у цијелости или дјеломично кориштена супротно одредбама Уредбе о начину финансирања и управљања Гаранцијским фондом и прописа донесених на основу ове Уредбе, комерцијална банка је дужна обавијестити Развојну банку о ненамјенском кориштењу средстава, те на први позив Развојне банке вратити оригинални примјерак гаранције.

Надзор над намјенским кориштењем кредита, у сарадњи са комерцијалном банком, као ех пост контролу може вршити и Развојна Банка ФБиХ.

У сврху надзора Развојне Банке ФБиХ над намјенским кориштењем кредита, комерцијална банка је дужна на захтјев Развојне Банке ФБиХ, доставити сву документацију која се односи на намјенско кориштење средстава одобреног(их) кредита.

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06, i 8/06) i člana 13. Uredbe o načinu finansiranja i upravljanja Garancijskim fondom ("Službene novine Federacije BiH", broj 44/20), na prijedlog Federalnog ministarstva razvoja, poduzetništva i obrta, Vlada Federacije Bosne i Hercegovine, na 235. sjednici, održanoj 10.09.2020. godine, donosi

ODLUKU

O USVAJANJU KREDITNO GARANTNOG PROGRAMA ZA OBRТNIKE I OSTALE SAMOSTALNE PRIVREDNE DJELATNOSTI

I.

Usvaja se Kreditno garantni program za obrтnike i ostale samostalne privredne djelatnosti Federalnog ministarstva razvoja, poduzetništva i obrta (u daljem tekstu: Program).

Program iz stava (1) ovog člana nalazi se u prilogu ove odluke i čini njen sastavni dio.

II.

Uкупan iznos garancija po Programu iz tačke I. ove odluke koje će na teret Garancijskog fonda odobravati Razvoјna banka Federacije Bosne i Hercegovine iznosi 50.000.000,00 konvertibilnih maraka i mogu se izdavati najkasnije do 31.05.2021. godine. Garancije ovoga fonda za svaki pojedinačni kredit iznose 50% glavnice kredita.

III.

Za realizaciju ove odluke zadužuju se Federalno ministarstva razvoja, poduzetništva i obrta, Federalno ministarstvo finansija - Federalno ministarstvo financija i Razvoјna banka Federacije Bosne i Hercegovine, svako u okviru svoje nadležnosti.

IV.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 1252/2020

10. septembra 2020. godine
Sarajevo

Premijer
Fadil Novalić, s. r.

KREDITNO GARANTNI PROGRAM ZA OBRТNIKE I OSTALE SAMOSTALNE PRIVREDNE DJELATNOSTI

1. PREDMET KREDITNO GARANTNOG PROGRAMA

Predmet kreditno garantnog programa je utvrđivanje cilja, korisnika programa, iznosa i namjene sredstava, procedure izdavanja garancije, kao i mjerenje učinaka i nadzora programa.

Garancije Fonda namijenjene su inicijalno, u periodu ne dužem od 12 mjeseci od dana proglašenja prestanka nesreće uzrokovane pandemijom COVID-19, jačanju kreditnog potencijala obrtnika i ostalih samostalnih privrednih djelatnosti za osiguranje izvora finansiranja s ciljem ublažavanja negativnih efekata uzrokovanih pandemijom COVID-19 na privredu Federacije Bosne i Hercegovine i stvaranju uslova za održivi rast privrede i zapošljavanje. Garancije ovoga fonda za svaki pojedinačni kredit iznose 50% glavnice kredita.

Garancije Fonda mogu se izdavati za kredite sa rokom dospijeca do 60 mjeseci, uključujući grace period do 18 mjeseci za dugoročne kredite, a koji su namijenjeni finansiranju:

- a) tekuće likvidnosti (ispлата плаћа, плаћање poreza i doprinosa i sl.);
- b) obrtnih sredstava;
- c) dovršavanju već započetih investicija;
- d) investicija manjeg obima.

Garancije Fonda ne mogu se izdavati za kredite namijenjene za:

- a) kupovinu zemljišta i poslovnih prostora;
- b) kupovinu poslovnih udjela ili dionica;
- c) finansiranje transakcija između korisnika kredita i sa njim povezanih lica;
- d) refinansiranje postojećih kreditnih obaveza i obaveza po osnovu finansijskog lizinga;
- e) finansiranje djelatnosti kao što su:
 - proizvodnja duhana i destiliranih alkoholnih pića, te povezanih proizvoda i trgovina njima,
 - igre na sreću, kockanje, klađenje i kasina,
 - proizvodnje oružje i municije, te trgovina njima,
 - trgovina na veliko i na malo,
 - iznajmljivanje i davanja u zakup (lizing) automobila i motornih vozila (rent-a-car).

Garancije Fonda koje se izdaju nakon isteka roka od 12 mjeseci od dana proglašenja prestanka nesreće uzrokovane pandemijom COVID-19, će biti usmjerene na pružanje podrške pokretanju novih poslovnih aktivnosti, rastu i razvoju postojećih obrta i ostalih samostalnih privrednih djelatnosti, povećanju konkurentnosti, inovacijama i zapošljavanju, što će biti definisano u novom kreditno garantnom programu koji će biti donesen najkasnije 31.05.2021. godine.

2. CILJ

Cilj programa je očuvanje likvidnosti, postojećeg stepena zaposlenosti, te kreiranje novih radnih mjesta, kroz osiguranje lakšeg pristupa kreditnim sredstvima za obrtnike i ostale samostalne privredne djelatnosti u svim privrednim sektorima, osim za djelatnosti koje su navedene u Poglavlju 1. ovog Programa. Sredstva su namijenjena obrtnicima i ostalim samostalnim privrednim djelatnostima pogodnim negativnim posljedicama pandemije koronavirusa, kako je opisano u Poglavlju 3. ovog Programa, a koji imaju problem pristupa kreditnim sredstvima zbog većeg rizika, izazvanog poremećajima likvidnosti i/ili nedostatak adekvatnog kolaterala.

3. KORISNICI KREDITNO GARANTNOG PROGRAMA

Korisnici kredita su subjekti male privrede - obrti i ostale samostalne privredne djelatnosti čije je sjedište na području

Federacije BiH, te imaju najmanje jednog (1) zaposlenog na neodređeno vrijeme.

Kreditno garantni program za obrtnike i ostale samostalne privredne djelatnosti obuhvata korisnike organizovane u skladu sa:

- Zakonom o obrtu i srodnim djelatnostima,
- Zakonom o ugostiteljskoj djelatnosti,
- Zakonom o turističkoj djelatnosti i
- Ostalim zakonima po kojima se organizuju samostalne privredne djelatnosti u FBiH.

Garancije Fonda mogu se izdavati samo za korisnike kredita koji ispunjavaju sljedeće minimalne uslove:

- a) plasmani korisnika kredita u banci na dan 29.02.2020. godine su raspoređeni u nivo kreditnog rizika 1 ili 2;
- b) postoji kvalifikovan i dokumentovan negativni uticaj pandemije COVID-19 na poslovanje korisnika kredita.

Navedeni uslovi pod tačkom a) ne primjenjuju se na korisnike kredita koji nemaju kreditna zaduženja kod komercijalnih banaka.

Pravo da aplicira na Kreditno garantni program imaju subjekti male privrede - obrti i ostale samostalne privredne djelatnosti, koji dokumentuju pad ostvarenog prihoda od 20% i više i to na način:

Dostavljena specifikacija za utvrđivanje dohotka od samostalne djelatnosti - Obrazac SPR 1053, na datum završetka proteklog kvartala (na dan 31.03.; 30.06.; 30.09. i 31.12.) se upoređuje sa prihodom za isti period 2019. godine, a koji se izračunava na način da se prosječan mjesečni prihod za 2019. godinu (ukupan prihod po obrascu SPR-1053 za 2019. godinu /12) pomnoži sa brojem mjeseci za koji se radi analiza u tekućoj godini (množi se sa 3; 6; 9 ili 12).

Primjer: Obrtnik "XY" aplicira za kredit na datum 20.08.2020. godine i prilaže obrazac SPR - 1053 na datum završetka zadnjeg kvartala tj. 30.06.2020. godine, koji pokazuje ukupan prihod od 120.000 KM. Osim toga prilaže i obrazac SPR - 1053 za 2019. godinu sa iskazanim ukupnim prihodom u iznosu od 360.000 KM. Izračunom dobivamo da je prosječan mjesečni promet ovoga preduzeća u 2019. godini $360.000/12=30.000$ KM. Ukoliko ovaj iznos pomnožimo sa 6 (kako bismo mogli upoređivati sa dostavljenim bruto bilansom) dobijemo 180.000 KM. Zaključujemo da obrtnik "XY" ima pravo učešća u ovom Programu, jer je njegov pad prihoda u 2020. godini veći od 20% u odnosu na isti period 2019. godine odnosno isti iznosi $33,33\%$ ($1-120.000/180.000$) x 100.

Obveznici koji su registrovani tokom 2019. godine koriste prosjek prihoda ostvarenog u 2019. godini podijeljen sa brojem mjeseci koliko su poslovali u 2019. godini.

Obveznici koji su registrovani tokom 2020. godine imaju pravo apliciranja na ovaj Program bez obzira na ostvareni prihod, a broj zaposlenih se utvrđuje na osnovu specifikacije o isplaćenim platama za prethodni mjesec.

Garancije Fonda ne mogu se izdavati korisnicima kredita koji*:

- a) imaju dospjele, a neizmirene obaveze po osnovu doprinosa, direktnih i indirektnih poreza, a za koje nisu zaključeni sporazumi o obročnom plaćanju duga i/ili koji ne izmiruju obaveze po navedenom sporazumu;
- b) su sudužnici ili jemci po drugim kreditima ili finansijskom lizingu koji nisu raspoređeni u nivo kreditnog rizika 1 ili 2;
- c) su u većinskom vlasništvu članova Parlamentarne skupštine Bosne i Hercegovine, Vijeća ministara Bosne i Hercegovine, Parlamenta Federacije Bosne i

Hercegovine, Vlade Federacije, Uprave i Nadzornog odbora Razvojne banke;

- d) su korisnici kredita po Kreditno garantnom programu za izvoznike i Kreditno garantnom programu za poljoprivredu i prehrambenu industriju.

*Za obrtnike i ostale samostalne privredne djelatnosti nije primjenjiv kriterij isplata dobiti/dividende (član 11. stav 3. pod b) Uredbe o načinu finansiranja i upravljanja Garancijskim fondom) budući da dobit ovih korisnika predstavlja lični dohodak vlasnika odnosno samostalnog poduzetnika, koji se isplaćuje isključivo po podnošenju specifikacije za utvrđivanje dohotka od samostalne djelatnosti - Obrazac SPR 1053.

4. IZNOS POJEDINAČNIH KREDITA I NAMJENA SREDSTAVA

Krediti za koje se mogu izdavati garancije u okviru Programa su:

1. Krediti za likvidnost do 300.000 KM

Maksimalan iznos traženog kredita korelira sa brojem zaposlenih u subjektu male privrede - obrtu i ostalim samostalnim privrednim djelatnostima, na dan podnošenja zahtjeva za kredit i iznosi maksimalno 5.000 KM po zaposlenom radniku.

2. Krediti za obrtna sredstva do 300.000 KM

Maksimalan iznos traženog kredita korelira sa brojem zaposlenih u subjektu male privrede - obrtu i ostalim samostalnim privrednim djelatnostima, na dan podnošenja zahtjeva za kredit i iznosi maksimalno 5.000 KM po zaposlenom radniku.

3. Krediti za investicije do 300.000 KM

Maksimalan iznos traženog kredita korelira sa brojem zaposlenih u subjektu male privrede - obrtu i ostalim samostalnim privrednim djelatnostima, na dan podnošenja zahtjeva za kredit i iznosi maksimalno 5.000 KM po zaposlenom radniku. Namjena ovog kredita je dovršavanje već započetih investicija i/ili investicije manjeg obima.

4. Kratkoročni krediti do 300.000 KM

Maksimalan iznos traženog kredita korelira sa brojem zaposlenih u subjektu male privrede - obrtu i ostalim samostalnim privrednim djelatnostima, na dan podnošenja zahtjeva za kredit i iznosi maksimalno 5.000 KM po zaposlenom radniku.

Ovakva vrsta kredita pored anuitetskog načina plaćanja, omogućava i jednokratnu otplatu kredita. Kratkoročni krediti se mogu koristiti za likvidnost i/ili obrtna sredstva.

Broj zaposlenih utvrđuje se na osnovu specifikacija o isplaćenim platama za decembar 2019. godine.

Maksimalni rokovi pokriveni garancijom su:

- 5 godina za kredite 1-3 - grace period do 18 mjeseci
- 1 godina za kratkoročni kredit

Korisnici kredita mogu aplicirati i za kombinaciju kredita navedenim u tačkama od 1 do 4 (likvidnost, obrtna sredstva, te investicije kao i kratkoročni kredit), a maksimalan iznos traženog kredita bi korelirao sa brojem zaposlenih u subjektu male privrede na dan podnošenja zahtjeva za garanciju i iznosi maksimalno 10.000 KM po zaposlenom radniku. Traženi iznosi za pojedine kategorije kredita opisanih u tačkama od 1-4 iznose maksimalno 5.000 KM po zaposlenom radniku.

Primjer: Obrtnik "XY" zapošljava 5 radnika u trenutku podnošenja kreditnog zahtjeva. Obrtnik "XY" može tražiti maksimalan iznos kredita od 25.000 KM, ukoliko traži sredstva samo za likvidnost preduzeća koji je opisan kao kredit u tački 1 ovog člana. Isto važi i ukoliko traži sredstva za kredite opisane u tačkama 2, 3 ili 4 ovog člana pojedinačno. Ukoliko obrtnik "XY" traži kombinaciju kredita od 1-4 može tražiti maksimalan iznos kredita u iznosu od 50.000 KM, imajući u vidu da dio kredita koji

se odnosi na kredite opisane u tačkama 1-4 ovog člana ne može biti veći od 25.000 KM. Dakle, obrtnik "XY" može zahtijevati kombinaciju primjera kredita:

- 1) Likvidnost - 10.000 KM
- 2) Investicije - 15.000 KM
- 3) Kratkoročni kredit - 25.000 KM

Ukupno: 50.000 KM što je maksimalan iznos kredita za obrtnika "XY" dok iznos za pojedine kredite u kombinaciji ne prelazi 25.000 KM za obrtnika "XY".

5. PROCEDURA IZDAVANJA GARANCIJE

Subjekt male privrede - obrti i ostale samostalne privredne djelatnosti, podnosi zahtjev za odobravanje kredita komercijalnoj banci.

Pored Zahtjeva za odobravanje kredita, klijent je dužan dostaviti dokumentaciju koju od njega traži komercijalna banka u cilju utvrđivanja kreditne sposobnosti.

Po odobravanju kreditnog zahtjeva od strane komercijalne banke, ista šalje odluku o kreditu prema Razvojnoj Banci Federacije BiH koja provodi postupak izdavanja garancija Fonda. Pravo na garanciju ne postoji, već Razvojna banka o svakom zahtjevu donosi pojedinačnu odluku nakon provjere ispunjavanja uslova propisanih Uredbom o načinu finansiranja i upravljanja Garancijskim Fondom i kreditno-garantnim programima.

Garancija Fonda se izdaje za kredite ugovorene u KM.

U slučaju da je Banka odobrila kredit sa valutnom klauzulom u nekoj stranoj valuti, garancija Fonda se može izdati samo za kredite uz valutnu klauzulu za EUR, a maksimalna garancija po jednom kreditnom zahtjevu je 300.000 KM. Ukupan iznos garantovanih obaveza Fonda prema jednom korisniku ili grupi povezanih lica ne može biti veći od 500.000 KM.

U skladu sa odredbama člana 19. Uredbe o načinu finansiranja i upravljanja Garancijskim fondom ("Službene novine Federacije BiH", broj 44/20), na garancije Fonda izdate u periodu ne dužem od 12 mjeseci od dana proglašenja prestanka nesreće uzrokovane pandemijom COVID-19, provizija za izdavanje garancije i premija rizika neće se plaćati, a kamatnu stopu određuje komercijalna banka u skladu sa svojom kreditnom politikom.

Ukupan iznos izdatih garancija po ovom Programu ne može prelaziti iznos od 50 miliona konvertibilnih maraka i mogu se izdavati najkasnije do 31.05.2021. godine.

6. MJERENJE UČINAKA KREDITNO GARANTNOG PROGRAMA

Razvojna banka će u saradnji sa komercijalnim bankama, na kvartalnoj osnovi, u roku od 60 dana po isteku kvartala izvještavati Federalno ministarstvo razvoja, poduzetništva i obrta o broju zaprimljenih zahtjeva od strane obrta i ostalih samostalnih privrednih djelatnosti, broju i iznosu odobrenih kreditnih zahtjeva od strane komercijalnih banaka, broju i vrijednosti izdatih garancija od strane Razvojne banke FBiH i strukturi kredita u relativnom i apsolutnom iznosu odobrenih za likvidnost, obrtna sredstva i investicije po ovom kreditno garantnom programu.

Federalno ministarstvo razvoja, poduzetništva i obrta će u saradnji sa nadležnim institucijama dodatno prikupiti podatke o broju očuvanih radnih mjesta, broju novih radnih mjesta i povećanju ekonomskih aktivnosti korisnika kredita.

Federalno ministarstvo razvoja poduzetništva i obrta će na osnovu navedenih podataka na godišnjem nivou izvještavati Vladu Federacije BiH o učincima kreditno garantnog programa.

7. NADZOR

Komercijalna banka je dužna pratiti namjensko korištenje kredita i RB FBiH dostaviti Izjavu da su sredstva kredita namjenski iskorištena, u skladu sa odredbama ugovora o kreditu i

uslovima kreditno-garantnog programa iz kojeg je kredit odobren.

Ako su sredstva kredita u cijelosti ili djelomično korištena suprotno odredbama Uredbe o načinu finansiranja i upravljanja Garancijskim fondom i propisa donesenih na osnovu ove Uredbe, komercijalna banka je dužna obavijestiti Razvojnu banku o nenamjenskom korištenju sredstava, te na prvi poziv Razvojne banke vratiti originalni primjerak garancije.

Nadzor nad namjenskim korištenjem kredita, u saradnji sa komercijalnom bankom, kao ex post kontrolu može vršiti i Razvojna Banka FBiH.

U svrhu nadzora Razvojne Banke FBiH nad namjenskim korištenjem kredita, komercijalna banka je dužna na zahtjev Razvojne Banke FBiH, dostaviti svu dokumentaciju koja se odnosi na namjensko korištenje sredstava odobrenog(ih) kredita.

Na osnovu članka 19. stavak (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06, i 8/06) i članka 13. Uredbe o načinu finansiranja i upravljanja Garancijskim fondom ("Službene novine Federacije BiH", broj 44/20), na prijedlog Federalnog ministarstva razvoja, poduzetništva i obrta, Vlada Federacije Bosne i Hercegovine, na 235. sjednici, održanoj 10.09.2020. godine, donosi

ODLUKU

O USVAJANJU KREDITNO-GARANCIJSKOG PROGRAMA ZA OBRTRNIKE I OSTALE SAMOSTALNE GOSPODARSKE DJELATNOSTI

I.

Usvaja se Kreditno-garancijski program za obrtnike i ostale samostalne gospodarske djelatnosti Federalnog ministarstva razvoja, poduzetništva i obrta (u daljem tekstu: Program).

Program iz stavka (1) ovog članka nalazi se u prilogu ove odluke i čini njen sastavni dio.

II.

Ukupan iznos garancija po Programu iz točke I. ove odluke, koje će na teret Garancijskog fonda odobravati Razvojna banka Federacije Bosne i Hercegovine, iznosi 50.000.000,00 konvertibilnih maraka i mogu se izdavati najkasnije do 31.5.2021. godine. Garancije ovoga fonda za svaki pojedinačni kredit iznose 50% glavnice kredita.

III.

Za realizaciju ove odluke zadužuju se Federalno ministarstvo razvoja, poduzetništva i obrta, Federalno ministarstvo finansija - Federalno ministarstvo finansija i Razvojna banka Federacije Bosne i Hercegovine, svako u okviru svoje nadležnosti.

IV.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 1252/2020
10. rujna 2020. godine
Sarajevo

Premijer
Fadil Novalić, v. r.

KREDITNO-GARANCIJSKI PROGRAM ZA OBRTRNIKE I OSTALE SAMOSTALNE GOSPODARSKE DJELATNOSTI

1. PREDMET KREDITNO-GARANCIJSKOG PROGRAMA

Predmet Kreditno-garancijskog programa je utvrđivanje cilja, korisnika programa, iznosa i namjene sredstava, procedure izdavanja garancije, kao i mjerenje učinaka i nadzora programa.

Garancije Fonda namijenjene su inicijalno, u periodu ne dužem od 12 mjeseci od dana proglašenja prestanka nesreće uzrokovane pandemijom COVID-19, jačanju kreditnog potencijala obrtnika i ostalih samostalnih gospodarskih djelatnosti za osiguranje izvora financiranja s ciljem ublažavanja negativnih efekata uzrokovanih pandemijom COVID-19 na gospodarstvo Federacije Bosne i Hercegovine i stvaranju uvjeta za održivi rast gospodarstva i zapošljavanje. Garancije ovoga fonda za svaki pojedinačni kredit iznose 50% glavnice kredita.

Garancije Fonda mogu se izdavati za kredite s rokom dospijeca do 60 mjeseci, uključujući grace period do 18 mjeseci za dugoročne kredite, a koji su namijenjeni financiranju:

- tekuće likvidnosti (isplata plaća, plaćanje poreza i doprinosa i sl.);
- obrnih sredstava;
- dovršavanju već započetih investicija;
- investicija manjeg obima.

Garancije Fonda ne mogu se izdavati za kredite namijenjene za:

- kupovinu zemljišta i poslovnih prostora;
- kupovinu poslovnih udjela ili dionica;
- finansiranje transakcija između korisnika kredita i sa njim povezanih lica;
- refinanciranju postojećih kreditnih obaveza i obaveza po osnovu financijskog lizinga;
- finansiranje djelatnosti kao što su:
 - proizvodnja duhana i destiliranih alkoholnih pića, te povezanih proizvoda i trgovina njima,
 - igre na sreću, kockanje, kladenje i kasina,
 - proizvodnje oružja i municije, te trgovina njima,
 - trgovina na veliko i na malo,
 - iznajmljivanje i davanja u zakup (lizing) automobila i motornih vozila (rent-a-car)

Garancije Fonda koje se izdaju nakon isteka roka od 12 mjeseci od dana proglašenja prestanka nesreće uzrokovane pandemijom COVID-19, će biti usmjerene na pružanje podrške pokretanju novih poslovnih aktivnosti, rastu i razvoju postojećih obrta i ostalih samostalnih gospodarskih djelatnosti, povećanju konkurentnosti, inovacijama i zapošljavanju, što će biti definirano u novom kreditno-garancijskom programu koji će biti donešen najkasnije do 31. 5. 2021. godine.

2. CILJ

Cilj programa je očuvanje likvidnosti, postojećeg stupnja zaposlenosti, te kreiranje novih radnih mjesta, kroz osiguranje lakšeg pristupa kreditnim sredstvima za obrtnike i ostale samostalne gospodarske djelatnosti u svim gospodarskim sektorima, osim za djelatnosti koje su navedene u Poglavlju jedan, ovog Programa. Sredstva su namjenjena obrtnicima i ostalim samostalnim gospodarskim djelatnostima pogodnim negativnim posljedicama pandemije koronavirusa, kako je opisano u Poglavlju tri ovog Programa, a koji imaju problem pristupa kreditnim sredstvima zbog većeg rizika, izazvanog poremećajima likvidnosti i/ili nedostatak adekvatnog kolaterala.

3. KORISNICI KREDITNO-GARANCIJSKOG PROGRAMA

Korisnici kredita su subjekti malog gospodarstva - obrti i ostale samostalne gospodarske djelatnosti čije je sjedište na području Federacije BiH, te imaju najmanje jednog (1) zaposlenog na neodređeno vrijeme.

Kreditno garantni program za obrtnike i ostale samostalne gospodarske djelatnosti obuhvaća korisnike organizirane u skladu sa:

- Zakonom o obrtu i srodnim djelatnostima,
- Zakonom o ugostiteljskoj djelatnosti,